

**PROGRAM POVODOM**

**16 DANA AKTIVIZMA PROTIV RODNO ZASNOVANOG NASILJA  
i 10. DECEMBRA – MEĐUNARODNOG DANA LJUDSKIH PRAVA**

Tokom posljednje dvadeset i četiri godine, globalna Kampanja *16 Dana aktivizma protiv rodno zasnovanog nasilja* je bila posvećena javnom zalaganju i koordiniranju rada na podršci zaustavljanju rodno zasnovanog nasilja na lokalnom i međunarodnom nivou. Kampanja je pokrenuta na prvom Institutu za globalno liderstvo žena, koji je organizovao Centar za globalno liderstvo žena 1991. godine na Univerzitetu Rutgers.

Datumi, **25. novembar** (Međunarodni dan borbe protiv nasilja nad ženama) i **10. decembar** (Dan ljudskih prava), su odabrani kako bi se naglasila povezanost između zaustavljanja rodno zasnovanog nasilja i vrijednosti ljudskih prava, i istaklo da rodno zasnovano nasilje predstavlja međunarodno kršenje ljudskih prava. Ovaj šesnaestodnevni period takođe ističe druge značajne datume, uključujući 29. novembar, Međunarodni dan braniteljica ljudskih prava, 1. decembar, Svjetski dan borbe protiv AIDS-a, 6. decembar, Dan obilježavanja montrealškog masakra.

U Kampanji *16 dana aktivizma* učestvuju pojedinke i pojedinci i grupe širom svijeta, i koriste okvir ljudskih prava u zalaganju za uklanjanje svih oblika nasilja protiv žena kroz aktivnosti podizanja svijesti na lokalnom, državnom, regionalnom i međunarodnom nivou.

Sarajevski otvoreni centar, kao organizacija koja zagovara puno poštivanje ljudskih prava i društvenu inkluziju LGBT (lezbejki, gejeva, biseksualnih i trans\*) osoba i žena, pridružuje se ovoj kampanji, te će realizovati niz aktivnosti u novembru i decembru 2015.

**Uključite se i Vi u Kampanju 16 Dana aktivizma!  
Koristite #16Days kada tvitate i postate!**

**[www.soc.ba](http://www.soc.ba) - [office@soc.ba](mailto:office@soc.ba) - tel 033 551000 – fax 033 551002**

Kad?	Šta?	Gdje?	Kontakt osoba
18.11. - 02.12. 2015.	<p>Bilbord kampanja <b>ZAUSTAVIMO NASILJE NAD ŽENAMA – IMPLEMENTIRAJMO ISTANBULSKU KONVENCIJU</b></p> <p><i>Sarajevski otvoreni centar i Medica Zenica u Sarajevu, Istočnom Sarajevu i Zenici postavljaju 20 bilborda s ciljem podizanja svijesti javnosti o problemu nasilja nad ženama. Bilbordi će nositi poruku o zaustavljanju svih oblika nasilja nad ženama, te još jednom pozvati da se nasilje prijavljuje. Realizaciju aktivnosti podržava Američka ambasada u BiH i Švedska vlada putem Švedske agencije za međunarodni razvoj i saradnju (Sida).</i></p>	<p><b>Sarajevo Istočno Sarajevo Zenica</b></p>	<p>Maida Zagorac <i>maida@soc.ba</i> 033/551-000</p>
20.11.2015.	<p>Online kampanja povodom <i>Međunarodnog dana sjećanja na trans* osobe</i> <b>NEVIDLJIVE ŽENE</b></p> <p>20. novembra, povodom <i>Međunarodnog dana sjećanja na trans* osobe</i>, započinje prezentacija video klipa posvećenog nasilju nad trans* ženama. Ovim videom želimo da podignemo svijest o postojanju trans* žena, o nasilju koje doživljavaju i činjenici da su često isključene iz svakodnevne borbe za prava žena. Realizaciju aktivnosti podržava Švedska vlada putem Švedske agencije za međunarodni razvoj i saradnju (Sida).</p>	<p><b>Online</b> društvene mreže: youtube, facebook, twitter</p>	<p>Naida Kučukalić <i>naida@soc.ba</i> 033/551-000</p>
26.11.2015. 15 sati	<p>Scensko čitanje drame sa zatupnicima_ama Predstavničkog doma Parlamenta FBiH <b>SEDAM</b></p> <p>SEDAM je revolucionarna dokumentarna drama koja je bazirana na intervjuima sa sedam aktivistkinja za prava žena, iz svih dijelova svijeta, a čije teške životne priče i borba predstavljaju nevjerovatan izvor inspiracije: Ferida Azizi (Afganistan), Inez McCormack (Sjeverna Irska), Marina Pisklakova-Parker (Rusija), Annabella de Leon (Gvatemala), Mukhtar Mai (Pakistan), Mu Sochua (Kambodža) i Hafsat Abiola (Nigerija). U 2013. godini <i>Sarajevski otvoreni centar</i> je bio dio SEDAM turneje na Zapadnom Balkanu. Ovaj put članovi i članice ansambla će biti zastupnice i zastupnici Parlamenta Federacije BiH. Ovom prilikom svi_e nadležni_e će biti pozvani_e da sprovedenje <i>Istanbulske/CAHVIO konvencije</i> dobije važnost i prioritet u budućem radu vlasti u Bosni i Hercegovini, te da se konačno uredi finansiranje sigurnih kuća. Čitanje organizujemo u saradnji sa partnerskom organizacijom <i>Medica Zenica</i>. Realizaciju događaja podržava Američka ambasada u BiH i Švedska vlada putem Švedske agencije za međunarodni razvoj i saradnju (Sida).</p>	<p><b>Sarajevo,</b> Kamerni teatar 55, Maršala Tita 56</p> <p><i>Ulaz je besplatan.</i></p> <p><i>Dođite na vrijeme da rezervišete svoje mjesto.</i></p> <p><i>Čitanje samo na BHS jeziku.</i></p>	<p>Maida Zagorac <i>maida@soc.ba</i> 033/551-000</p>

<p>30.11.2015. 9-15 sati</p>	<p>Konferencija <b>KRIVIČNA DJELA POČINJENA IZ MRŽNJE: KAKO DO IZMJENA KRIVIČNOG ZAKONA FEDERACIJE BIH?</b></p> <p>Federacija BiH je jedini teritorij na Zapadnom Balkanu koji nije uzvršio putpuno i ispravno regulisanje krivičnih djela počinjenih iz mržnje kroz svoj Krivični zakon. Kako bi vladu i parlament podsjetili na ovu obavezu, organizujemo ovu konferenciju. U sklopu prvog panela konferencije će se govoriti o tome koje su to međunarodne obaveze BiH za regulisanje krivičnih djela počinjenih iz mržnje, te koja su to iskustva država iz regije (Hrvatska i Srbija). U sklopu drugog panela će se govoriti o bosanskohercegovačkim iskustvima regulicije i primjene kada govorimo o krivičnim djelima počinjenim iz mržnje. Učešće u sklopu panela će uzeti regionalni_e i domaći_e eksperti_ce iz navedene oblasti krivičnog prava. Realizaciju događaja podržava Fond otvoreno društvo BiH.</p>	<p><b>Sarajevo,</b> Hotel Courtyard by Marriott, Skenderija 1</p> <p><i>Prisustvo na konferenciji će biti moguće uz prethodnu prijavu na e-mail: jozo@soc.ba</i></p> <p><i>Radni jezici: B/H/S i engleski</i></p>	<p>Jozo Blažević <i>jozo@soc.ba</i> 033/551-000</p>
<p>01.12.2015. 14 sati</p>	<p>Promocija knjige i diskusija <b>1995-2015: ŽENE U POLITICI U POSTDEJTONSKOJ BOSNI I HERCEGOVINI</b></p> <p>2015. godine se obilježava dvadeseta godišnjica od potpisivanja Dejtonskog mirovnog sporazuma (DMS). Mnoge aktivnosti kojima će ovaj događaj biti obilježen uglavnom će se fokusirati na protekli rat, izgradnju mira i napredak koji je Bosna i Hercegovina postigla u poslijeratnom periodu. <i>Sarajevski otvoreni centar</i> nudi drugačiju perspektivu, te akcent stavlja na žene i njihovu ulogu u politici naše zemlje, što je predstavljeno u knjizi <i>1995-2015: Žene u politici u postdejtonskoj BiH</i>, autorica Marina Veličković, Arijane Aganović i Edite Miftari. U cilju obilježavanja godišnjice potpisivanja DMS, ali i promocije knjige organizovat ćemo okrugli sto u Sarajevu, gdje ćemo zajedno sa ženama, čije su priče predstavljene u ovoj knjizi, diskutovati o ključnim bosanskohercegovačkim političarkama, aktivisticama i događajima u posljednjih 20 godina. Ovaj događaj kao i promocija se organizuju u saradnji sa Agencijom za ravnopravnost spolova BiH. Učestvuju: Ismeta Dervoz, Besima Borić, Nada Tešanović i Maja Gasal-Vražalica, Arijana Aganović i Marina Veličković. Moderator: Saša Gavrić. Realizaciju događaja podržavaju Ambasada Švicarske u BiH, Švedska vlada putem Švedske agencije za međunarodni razvoj i saradnju (Sida) i Agencija za ravnopravnost spolova BiH.</p>	<p><b>Sarajevo,</b> Mediacentar Kolodvorska 3</p> <p><i>Ulaz je besplatan.</i></p> <p><i>Dođite na vrijeme da rezervišete svoje mjesto.</i></p> <p><i>Promocija i diskusija samo na BHS jeziku.</i></p>	<p>Maida Zagorac <i>maida@soc.ba</i> 033/551-000</p>

01-31.12.2015.	<p>Online kampanja <b>KAKO UČIMO O SEKSUALNOSTI?</b></p> <p>Ovom kampanjom <i>Sarajevski otvoreni centar</i> i <i>Fondacija Mediacentar</i> žele skrenuti pažnju na štetnost nepravilnih i nepotpunih prikaza seksualnosti u školskim programima i udžbenicima koje koriste srednjoškolci_ke u BiH i zemljama regiona. Prenošenje netačnih i stereotipnih informacija mladim generacijama utječe na razvoj netolerancije i ksenofobije, te produbljuje mizoginiju, homofobiju i transfobiju u društvu. Pravilno obrazovanje i otvoren razgovor o seksualnosti i rodnim ulogama neophodno je za razvoj tolerantnog društva i pojedinaca_ki. Kampanja će biti objavljivanja na portalima <i>lgbt.ba</i> i <i>diskriminacija.ba</i>. Realizaciju kampanje podržava Europska unija uz finansijsku podršku Fondacije Astraea.</p>	<p><b>Online:</b> <i>lgbt.ba</i> <i>diskriminacija.ba</i></p>	<p>Vladana Vasić <i>vladana@soc.ba</i> 033/551-000</p>
02.12.2015. 18 sati	<p>Ciklus feminističkih razgovora: Neko je rekao feminizam i promocija knjige <b>ŽENSKI MUZEJ</b></p> <p>Koristimo ovu priliku da feminističkim razgovorima otvorimo pitanje da li muzeji vrše sistematsko nasilje nad ženama u Bosni i Hercegovini, šta je u pozadini tog simboličkog nasilja, ukoliko postoji, te da artikulišemo potrebu za online muzejom žena.</p> <p>Isti dan, promovišemo i drugo izdanje knjige koja se bori protiv nasilja zaborava – <i>Zabilježene. Žene i javni život Bosne i Hercegovine u 20. vijeku</i>. Prošlo je više od godinu dana kako knjiga <i>Zabilježene</i> živi. Brojne osobe, koje su direktno ili indirektno povezane sa knjigom, javljale su se hvaleći naš rad ili ga dobronamjerno kritikujući. U međuvremenu su autorice određenih poglavlja i same dolazile do novih podataka. Sve osobe koje dođu dobiće primjerak dopunjenog izdanja knjige. Učestvuju: Sarita Vujković, Muzej savremene umjetnosti RS; Šejla Šehabović, Muzej književnosti i pozorišne umjetnosti BiH; Aida Vežić, Cultural Heritage without Borders (CHwB). Razgovorima moderira: Aida Kalender, Akcija građana. Realizaciju događaja podržava Švedska vlada putem Švedske agencije za međunarodni razvoj i saradnju (Sida) i Fondacije Friedrich Ebert.</p>	<p><b>Sarajevo,</b> Muzej književnosti i pozorišne umjetnosti BiH, Sime Milutonića Sarajlije 7</p> <p><i>Ulaz je besplatan.</i></p> <p><i>Dođite na vrijeme da rezervišete svoje mjesto.</i></p> <p><i>Promocija i diskusija samo na BHS jeziku.</i></p>	<p>Jasmina Čaušević <i>jasmina@soc.ba</i> 033/551-000</p>
04.12.2015. 14 sati	<p>Ciklus feminističkih razgovora: Neko je rekao feminizam i promocija knjige <b>25 FEMINISTIČKIH POJMOVA</b></p> <p><i>Udruženje Amica EDUCA</i> i <i>Sarajevski otvoreni centar</i> vas pozivaju na feminističke razgovore o povezanosti ne/obrazovanja i nasilja. Koristimo ovu priliku da otvorimo i pitanje feminističkog obrazovanja u Bosni i Hercegovini, kroz promociju knjige koju su napisali_e polaznici_e <i>Feminističke škole Žarana Papić</i>. Učestvuju: Elma Čavčić, Izudin Karić, Amira Hasanović, Dajana Cvjetković, Jasmina Čaušević. Razgovorima moderira: Selma Mustačević. Realizaciju događaja podržava Švedska vlada putem švedske agencije za međunarodni razvoj i saradnju (Sida).</p>	<p><b>Tuzla,</b> Kuća plamena mira, Šetalište Slana banja</p> <p><i>Ulaz je besplatan.</i></p> <p><i>Dođite na vrijeme da rezervišete svoje mjesto.</i></p> <p><i>Promocija i diskusija samo na BHS jeziku.</i></p>	<p>Jasmina Čaušević <i>jasmina@soc.ba</i> 033/551-000</p>

<p>04.12.2015. 13 sati</p>	<p>Promocija knjige i diskusija <b>1995-2015: ŽENE U POLITICI U POSTDEJTONSKOJ BOSNI I HERCEGOVINI</b></p> <p>2015. godine se obilježava dvadeseta godišnjica od potpisivanja Dejtonskog mirovnog sporazuma (DMS). Mnoge aktivnosti kojima će ovaj događaj biti obilježen uglavnom će se fokusirati na protekli rat, izgradnju mira i napredak koji je Bosna i Hercegovina postigla u poslijeratnom periodu. <i>Sarajevski otvoreni centar</i> nudi drugačiju perspektivu, te akcenat stavlja na žene i njihovu ulogu u politici naše zemlje, što je predstavljeno u knjizi <i>1995-2015: Žene u politici u postdejtonskoj BiH</i>, autorica Marina Veličković, Arijane Aganović i Edite Miftari. Druga promocija ove knjige se održava u Banjoj Luci uz partnersku podršku organizacije <i>Helsinki parlament građana Banja Luka</i>. Učestvuju: Marina Veličković, Dragana Dardić, Nada Golubović i Nada Tešanović. Realizaciju događaja podržavaju Ambasada Švicarske u BiH i švedska vlada putem Švedske agencije za međunarodni razvoj i saradnju (Sida).</p>	<p><b>Banja Luka</b> Muzički paviljon Staklenac, Park Petra Kočića b.b.</p> <p><i>Ulaz je besplatan.</i></p> <p><i>Dođite na vrijeme da rezervišete svoje mjesto.</i></p> <p><i>Promocija i diskusija samo na BHS jeziku.</i></p>	<p>Maida Zagorac <i>maida@soc.ba</i> 033/551-000</p>
<p>04- 05.12.2015.</p>	<p>Trening za političkarke i političare <b>LJUDSKA PRAVA NE PREPOZNAJU POLITIČKU IDEOLOGIJU!</b></p> <p>Tokom treninga regionalni i domaći eksperti_će će učesnicima_cama predstaviti stanje u oblasti ljudskih prava LGBT osoba u BiH, s naglaskom na dobre regionalne prakse i politike koje doprinose poboljšanju stanja prava ove marginalizovane grupe. Ovaj trening je namijenjen članovima_cama političkih stranaka, koji djeluju u stranačkim tijelima i dolaze iz sarajevske regije. Realizaciju događaja podržavaju Ambasada Sjedinjenih Američkih Država u BiH i Fond otvoreno društvo BiH.</p>	<p><b>Sarajevo</b></p> <p><i>Prisustvo na treningu će biti moguće uz prethodnu prijavu na e-mail: darko@soc.ba</i></p> <p><i>Radni jezici: B/H/S i engleski</i></p>	<p>Emina Bošnjak <i>emina@soc.ba</i> 033/551-000</p>
<p>06.12.2015. 19.30 sati</p>	<p>Emisija TV Liberty <b>ZAUSTAVIMO NASILJE NAD ŽENAMA – IMPLEMENTIRAJMO ISTANBULSKU KONVENCIJU</b></p> <p><i>Sarajevski otvoreni centar i Medica Zenica Vas pozivaju da pogledate special TV Libertyja, magazinskog programa Radija Slobodne Evrope, koji će kroz pet priča govoriti o nasilju u porodici i nasilju nad ženama. Realizaciju aktivnosti podržava Američka ambasada u BiH i Švedska vlada putem Švedske agencije za međunarodni razvoj i saradnju (Sida).</i></p>	<p><b>BHT 1</b></p>	<p>Maida Zagorac <i>maida@soc.ba</i> 033/551000</p>

<p>07.12.2015. 18 sati</p>	<p>Promocija knjige <b>STUDIJA IZVODLJIVOSTI ZA OSNIVANJE ŽENSKOG FONDA U BIH</b></p> <p>U sklopu kampanje 16 dana aktivizma, održaće se promocija <i>Studije izvodljivosti za osnivanje ženskog fonda u BiH</i>, autorica Natalije Bratuljević i Katarine Živanović, u izdanju <i>Sarajevskog otvorenog centra i Fondacije CURE</i>. Izvorna ideja istraživanja bila je ispitati mogućnosti za osnivanje lokalnog fonda/fondacije koji bi podržao razvoj organizacija civilnog društva koje se bave ženskim pravima, a sve s ciljem osiguravanja podrške nekim od najobespravljenijih skupina žena u Bosni i Hercegovini u koje spadaju Romkinje, žene s invaliditetom, LBT i druge žene. Realizaciju događaja podržava Mama Cash Fondacija.</p>	<p><b>Sarajevo</b> Kuća ljudskih prava Dolina 1</p> <p><i>Ulaz je besplatan.</i></p> <p><i>Dodite na vrijeme da rezervišete svoje mjesto.</i></p> <p><i>Promocija i diskusija samo na BHS jeziku.</i></p>	<p>Delila Hasanbegović <i>delila@soc.ba</i> 033/551000</p>
<p>7.12.2015. 12-14 sati</p>	<p>Promocija studije i diskusija <b>ŽIVOT VAN ZADANIH NORMI: TRANSRODNOST U BIH</b></p> <p>Transrodne osobe, iako jako mala zajednica, imaju specifične potrebe kada govorimo o pravnom priznavanju njihovog rodnog identiteta, ali i medicinskim uslugama. Kako bi se istražilo trenutno stanje te razmotrila različita rješenja, Sarajevski otvoreni centar je izradio ovu studiju. Studija predstavlja početne korake u zagovaranju za bolji i dostojanstveniji život trans* osoba u BiH. Studiju će predstaviti ko-autorice i Slobodanka Dekić, Jasmina Čausević, Damir Banović. Moderatorica: Naida Kučukalić. Realizaciju aktivnosti podržava Fondacija Astraea.</p>	<p><b>Sarajevo</b> Mediacentar Kolodvorska 3</p> <p><i>Prisustvo na promociji studije će biti moguće uz prethodnu prijavu na e-mail: naida@soc.ba</i></p> <p><i>Radni jezici: B/H/S i engleski</i></p>	<p>Naida Kučukalić <i>naida@soc.ba</i> 033/551-000</p>
<p>7.12.2015.</p>	<p>Online kampanja <b>ZAŠTO NAM TREBA ZAKON O RODNOM IDENTITETU?</b></p> <p>Video klip govori o stanju prava i životu transrodnih osoba u BiH. Video ukazuje na to šta znači živjeti u drugom rodnom identitetu kada te zakon i sistem ne prepoznaju. Video klip govori i o zakonskoj regulativi u svijetu i regionu, kao i o poziciji Bosne i Hercegovine kada govorimo o zakonima koji regulišu pitanje rodnog identiteta i diskriminacije. Realizaciju aktivnosti podržava Fondacija Astraea.</p>	<p><b>Online</b> društvene mreže: youtube, facebook, twitter</p>	<p>Naida Kučukalić <i>naida@soc.ba</i> 033/551-000</p>

<p>07.12.2015. 15:00 sati</p>	<p>Promocija knjige i diskusija <b>1995-2015: ŽENE U POLITICI U POSTDEJTONSKOJ BOSNI I HERCEGOVINI</b></p> <p>2015. godine se obilježava dvadeseta godišnjica od potpisivanja Dejtonskog mirovnog sporazuma (DMS). Mnoge aktivnosti kojima će ovaj događaj biti obilježen uglavnom će se fokusirati na protekli rat, izgradnju mira i napredak koji je Bosna i Hercegovina postigla u poslijeratnom periodu. <i>Sarajevski otvoreni centar</i> nudi drugačiju perspektivu, te akcentat stavlja na žene i njihovu ulogu u politici naše zemlje, što je predstavljeno u knjizi <i>1995-2015: Žene u politici u postdejtonskoj BiH</i>, autorica Marina Veličković, Arijane Aganović i Edite Miftari. Treća promocija ove knjige, se održava u Zenici uz partnersku podršku organizacija <i>Medica Zenica</i> i <i>Centar za pravnu pomoć ženama</i>. Učestvuju: Arijana Aganović, Sabiha Husić (Medica Zenica) i Nermina Zaimović-Uzunović (SDP). Realizaciju događaja podržavaju Ambasada Švicarske u BiH i švedska vlada putem Švedske agencije za međunarodni razvoj i saradnju (Sida).</p>	<p><b>Zenica</b> Opća biblioteka Zenica, Školska 6</p> <p><i>Ulaz je besplatan.</i></p> <p><i>Dođite na vrijeme da rezervišete svoje mjesto.</i></p> <p><i>Promocija i diskusija samo na BHS jeziku.</i></p>	<p>Maida Zagorac <i>maida@soc.ba</i> 033/551000</p>
<p>10.12.2015.</p>	<p>Online i offline kampanja <b>STREJTERI_ICE: PODRŽITE SVOJE LGBTI PRIJATELJE_ICE!</b></p> <p>Uloga strejt ili heteroseksualnih prijatelja_ica i saveznika_ca je ključna za ostvarivanje ravnopravnost LGBTI osoba. Kako bi pokrenuli_e debatu o ovoj temi, objavićemo bh. prevod vodiča koji je radila organizacija <i>PFLAG</i> iz SAD-a. Pored ove brošure prezentiraćemo i video klip na istu temu. Realizaciju aktivnosti podržava Švedska vlada putem Švedske agencije za međunarodni razvoj i saradnju (Sida).</p>	<p><b>Online</b> društvene mreže: youtube, facebook, twitter</p>	<p>Naida Kučukalić <i>naida@soc.ba</i> 033/551-000</p>